

1616

10^e. Jan 1712

2188

AVERTISSEMENT
A LA FRANCE
TOUCHANT LES LIBELLES
QU'ON SEME CONTRE LE
gouvernement de l'Estat.

Case

F

39

.326

THE NEWBERRY
LIBRARY

1615 av



AVERTISSEMENT A LA FRANCE TOVCHANT LES *libelles qu'on seme contre le gouuerne- ment de l'Estat.*

QUAND ie considere par quels
moyens miraculeux ceste grande
& puissante Monarchie s'est plu-
sieurs fois maintenüe contre les
tempestes & les orages qui se sont
esleuez pour la renuerfer; il faut
que i'aduoüe que Dieu, protecteur
des iustes Empires, a quelque soing particulier de
nostre conseruation: Et certes, comme il est impos-
sible de ne le voir point säs estre extrememēt aueu-
glez, aussi ne le pouuös-no^r mecognoistre säs nous
monstrer infiniment ingräs. Quelques coniuratiōs
qu'ō ayt faictes autres fois pour destruire ce Royau-
me; quelques artifices qu'ō ayt pratiquez pour de-
gouster les peuples de l'obeyssance qu'ils doiuent na-
turellemēt à leurs Roys, & quelques ennemis esträ-
gers ou domestiques qui l'ayent assailly, on l'a bien
pu voir esbranlé, mais on ne le vit iamais abatu:
Au contraire, comme Antée reprenoit de nouuelles
forces aussi tost qu'il touchoit la Terre; il semble
pareillement que cet Estat reprenne vne nouvelle
vigueur au mesme temps qu'il paroist entierement
ruiné.

Mais si on a veu reluire quelquesfois des tesmoi-
gnages extraordinaires de la faueur du Tout-puif-
sant, ie puis dire auecques raison, que c'a este depuis

l'aduenement du Roy à la Couronne iusques à present : Car de quelle heureuse & profonde paix auons nous iouy malgré les efforts de deux ou trois factieux qui ne cherchent leurs felicitéz particulieres que dans les miseres publiques, & qui pensent estre oyssifs lors qu'ils ne conseillent rien contre le seruice du Roy ? La Religion qui met les Sceptres en la main des Roys, qui les assiet sur les Throsnes, qui pose les Couronnes sur leurs testes, qui les oingt solemnellemēt, qui rend leur pouuoir & leurs personnes inuiolables : La Religion, disie, qui affermit leur autorité sur des fondemens vrayement diuins, n'estant contée par ces hōmes là qu'au rāg des choses humaines, se faut-il esmerueiller si du mespris de Dieu ils sont venus au mespris des Roys ? Mais quoy qu'ils s'efforcent encor maintenant de nous precipiter dans les abismes des mesmes miseres dont le bras victorieux de Henry le Grand nous a miraculeusement deliurez; quoy que ces prodiges de nature facent tout ce qu'il leur est possible pour semer la diuision entre nous affin de s'agrandir de nostre ruine, si leurs factions nous font craindre quelques sinistres malheurs, n'auons-nous pas occasion d'esperer de grandes felicitéz, quand nous iectons les yeux sur vn ieune Roy, dont la vertu assistée des sages conseils de la Reyne sa mere, promet non seulement de restablir le Royaume en sa premiere splendeur, mais de le rendre aussi plus heureux & plus fleurissant qu'il ne fut iamais ?

Il ny a sorte de moyens que n'ayent recherchez ces perturbateurs du repos public: Il n'y a ressorts qu'ils n'ayent essayé de faire iouer, ny artifice qu'ils n'ayēt employé pour faire reussir leurs desseins pernicieux. La plus facile voye qu'ils se soient imaginee pour y paruenir, ça esté de decrier l'administration des af-

faires par des libelles diffamatoires qui contiennent
 autant de crimes capitaux que de parolles, & dôt les
 Auteurs, gés execrables & maudits, ne meritēt pas
 moins que le feu. Voyla la meschâceté dont ils se ser-
 uēt pour alterer les volōtez des peuples endescriāt
 le gouuernemēt de l'Estat, & en faisant accroire aux
 simples que les affaires sont reduictes à l'extremité;
 comme si quand ces escripts seroient aussi verita-
 bles qu'ils sont calomnieux, c'estoit vn subiect legi-
 time de secouer le ioug del'obeissance que nous de-
 uons à nostre Roy, auquel Dieu a dōné le pouuoir
 de nous commander, comme il nous à commandé
 de luy obeyr. Cest le pretexte ordinaire de ceux qui
 troublent les Estats; cest par ces trompeuses amorces
 qu'on prend les foibles esprits; cest en ces occa-
 sions que les gens de bien sont éprouuez & que
 les meschans sont recogneus; lamais on ne vit regne
 gant fust-il heureux qu'il n'y eust tousiours des
 personnes qui ne pouuoient supporter l'estat des af-
 faires presētes; cest vn vice attaché à nostre nature &
 non pas aux siècles. lamais les hommes ne sont con-
 tēts de leur fortune quelque grāde qu'elle soit: nous
 nous imaginōs tousiours les siècles passez plus inno-
 cents que l'aage ou nous viuons, & neantmoins nos
 peres ont accusé les temps que nous estimons
 auoir esté les plus heureux, & l'aage ou nous sōmes
 que nous appellōs iniustement l'aage de fer, sera vn
 iour nōmé l'aage d'or par la posterité. Il ne faut point
 doubter qu'il n'y ait eu des mal contens soubz le re-
 gne d'Auguste & de Trajan, soubz celuy de Charle-
 magne & de S. Louys; Il y en aura tant que le mōde
 sera mōde. C'est pourquoy on ne se doit point estō-
 ner des plaintes iniustes qu'on faict du gouuernemēt
 de l'Estat. Chacun sçait en quelle extremité la Fran-
 ce fut reduicte apres la mort tragique & lamentable

de Henry le Grand, il sembloit que toutes nos ioyes & toutes nos prosperitez fussēt terminees avecques sa vie; nous n'auions autres obiects deuāt nos yeux que guerres, que batailles, que sieges & saccagemēts de villes, que meurtres, que violemens, bref, que choses funestes à la veue & à la pensee; il ny auoit insolence que les meschants n'esperassent de cōmettre impunement, ny sorte d'outrages que les gens de bien ne craignissent; toutesfois la singuliere prudence de la Reyne a sy dignement pourueu à tout ce qui estoit de nostre bien, qu'elle à conuertty toutes nos craintes en esperances, tous nos pleurs en larmes de ioye, & toutes nos douleurs en cōtētemēts. De telle sorte que nous auons esté guārantis non seulement de tous les malheurs, presque fataux à la France durant la minorité de nos Roys: mais auons mesmes esté comblez de toutes les felicitez qu'un Estat peut receuoir sous la dominatiō d'un Roy nō moins iuste qu'absolu: Le repos que Henry le Grand nous auoit acquis par sa valeur victorieuse, la Reyne l'à conserué par sa conduite admirable, avec des succez si conformes à nos desirs, que nostre condition n'a point esté autre sous sa regēce, qu'elle estoit sous le regne du feu Roy, ou s'il y à eu quelque difference, cest en ce que nous auons esté plus heureux depuis cinq ans que nous n'estions auparavant; chose que ie puis dire avec aussi peu de flaterie que ie suis elloigné de la necessité de flatter; & toute la France m'en seruira de tesmoing; Car si l'on prend la peine de regarder exactement de qu'elle façon le peuple à esté traicté depuis ce temps-là, ie m'assure qu'il ne se trouuera personne qui ne confesse que nous debuons la tranquillité de ce Royaume à ceste Princesse incomparable, & tout le bon-heur de nostre siècle à la pieté de ses mœurs.

La France est cōposée de trois ordres sous lesquels
sont reduites toutes les conditions des subiects du Roy,
excepté celles des Princes. De quelles nouvelles im-
positions à r'on chargé les Ecclesiastiques depuis la mort
de Henry le Grand qu'ils ayent eu subiect de se mes-
contenter de la Reyne? ne les a telles pas cheries cōme
bons seruiteurs du Roy: & honoré mesmes, comme
Pasteurs du peuple, & comme Ministres de Dieu?
s'est-il passé quelque occasion où ils n'ayent esté fa-
uorablement traictez? Quant à la Noblesse, outre
qu'elle a esté maintenuë par le Roy en tous les pri-
uileges, hōneurs, & immunitiez qu'il luy ont esté con-
cedees par les feux Roys ses predecesseurs, sa Majesté
ne s'est point contentee de l'esleuer aux principales
charges du Royaume, mais aussi la gratiffie d'une si
grande quantité de pensions & d'appointements, qu'il
semble qu'à l'exemple d'Alexandre, elle ne se soit
voulu reserver que l'esperance, & que comme ce ge-
nerelux Romain qui refusa les presents des Samnites,
elle ait mieux aymé cōmander aux riches que de pos-
seder les richesses. L'affection naturelle qu'elle porte
à sa Noblesse n'estoit pas bornee de ces feulles libe-
ralitez; son dessein estoit d'oster la venalité des Of-
fices, afin que les Gentils-hommes pussent paruenir
par leur merite seul & par la grace du Prince aux di-
gnitez des Magistratures: Voyla par quelle reforma-
tion le Roy desiroit rendre remarquable la premiere
annee de sa maiorité: mais les remonstrances de tous
les Officiers ont esté cause de faire sursoir l'execu-
d'un si glorieux project.

Quant au tiers Estat, veu que des le commence-
mēt de la Regēce de la Reyne, il fut soulagé de qua-
torze cens mille liures par an en vn seul article, & sur
le seul impost du sel, & deschargé en outre d'un no-

bre infiny de Commissions & de reuocations d'Offices dont il estoit auparauiant extremement trauaillé, qui est-ce qui pourra dire sinon avec vn extreme tort, que cet Ordre non plus que les autres ait du subiect de se mecôntenter? Vne des plus grandes plaintes que l'on face est de l'administration des finâces, mais ie puis dire qu'il y a long-temps qu'elles ne furent plus innocemment gouuernées que maintenant, aussi ne croy je pas qu'il y ayt personne qui en veuille accuser ceux qui en ont le principal manimêr, parce qu'ils se sont comporte en leurs charges avec vne telle integrité qu'ils font voir à tout le monde combien le deuoir de la conscience est plus puissant sur les gens de bié que toutes les richesses de la Terre. Le me cōtenteray doncques de dire que la saison que nous auôs passée ne permettoit pasqu'ô en vîst autrement. Nous nous sômes veus en vn tēps si menassé d'orages, que cōme ceux qui se treuuent en la mer durât quelque grande rouimête sont quelques fois forcez de jetter leurs richesses au fôds de l'eau, afin de sauuer lenauire; de mesmes ceux qui tenoiêr le timôn de cet Estat, le voyât au dâger d'estre perdu par les tēpestes qui s'esleuent le plus souuent durant le bas aage de nos Roys, ont esté cōtraints de faire des largesses extraordinaires pour euitier le naufrage de ce grâd vaisseau dans lequel les fortunes & les vies de tât de peuples sont enfermées. Voila qu'elle a esté la cause de ceste depense: Presque toute la Noblesse estoit tellement incōmodée qu'il ne luy restoit plus que la vie quelle pust employer pour le seruice de sôn Prince: n'estoit-il pas donc raisonnable que le Roy la mist en tel estat qu'il en peust tirer du seruice & que les ennemis en receussent de l'estonnement? Je ne doute point que cela ne semble repugner à la dignité d'un grand Monarque d'achepter la pais,

de ses subiects ; mais cōme Alexandre osta le Diamant de sa teste pour bander & etancher la playe d'un ieune seigneur qu'il cherissoit extremement : tout de mesmes les Roys qui veulent sauuer leurs Estats , sont quelquesfois contraincts de deposer leurs Couronnes par maniere de dire , & de quiter ce qui est de leur autorité pour empescher les grandes effusions de sang qu'apportēt les guerres estrangeres ou ciuilles. Donc à quel vsage plus necessaire pouuoit on emploier vne partie de l'argent que le feu Roy auoit laissé , qu'a la conseruation de la paix , attendu que c'est par la paix que les Roys regnent souuerainement sur leurs peuples & que les peuples viuent heureusement soubz leurs Roys ? attendu dije , que c'est par la paix que les vertus sont en leur trone , les loix en vigueur , les Magistrats en autorité , le commerce libre par la terre & par la mer , l'innocence asseuree , la malice punie , la vertu recōgnue , les arts en leur lustre , les Villes en leur ornement , & les Monarchies en leur grandeur ? Combiē sont plus pretieux les thresors des cœurs que des richesses ? Il n'y a poinct de difficulté qu'il ne soit tres necessaire de retrācher vne grande partye des pensions , mais il y a d'autres choses qu'il faut faire auparauāt. On nous menasse de s'opposer à l'accomplissement du Mariage du Roy , du quel despend la paix du Royaume , il faut rompre les obstacles des plus importantes affaires auant que de pouruoir à celles qui sont de moindre consequence , & imiter les bons medecins , qui guerissent les maladies les plus dangereuses , auparauant que de remedier à celles qui sōt sans peril. Je scay tresbien que plusieurs qui ne desirēt que de voir la France dedans

les mesmes calamitez ou elle estoit il n'y à pas l'og temps, fortiffient leur audace de l'esperance qu'ils ont de voir le Parlement porté à quelque grand desordre : mais sur quoy se fondēt ils pour auoir si mauuaise opiniō d'une Compagnie en laquelle on retrouueroit l'obeissance quand elle seroit morte en toutes les autres Courts Souueraines ? Nous auons veu cōme les subiects du Roy ont esté traittez ; voyons cōme les Aliez ont esté entretenus ; car encorē quela Royauté cōsiste au pouuoir legitime que le Prince a sur son peuple, neantmoins, d'autant que leurs Estats sont subiects tant aux guerres estrāgeres que ciuilles, il est besoing qu'ils facēt des Aliances auecques les autres Roys, Seigneuries & Potentats affin de les rēdre leurs amis ou d'empescher qu'ils ne soiēt leurs ennemis ; c'est la raison pour laquelle les confederations sont si necessaires à tous Estats quelques grands qu'ils soient, que pour en nier l'vtilite, il faut auoir perdu tout iugemēt. Cela estant posé comme vn fondement certain, par quel moien la Reyne laquelle en tous ses desseings ne s'est proposée pour but que l'honneur de Dieu, & le bien general du Royaume, pouuoit elle mieux empescher les troubles qui s'esleuent ordinairement en vne saison semblable à celle que nous auons passée, qu'en entretenant non seulement les anciennes Aliances de la Couronne, mais enobligeāt aussy le Roy d'Espagne à tous les interests de la France par les mariages du Roy auecques l'Infante & de Madame auecques le Prince d'Espagne ? n'estoit-ce pas le seul moien de retenir en leur deuoir par la terreur de ces deux puissances vniceux à qui le mespris de la ieunesse du Prince pou-

uoit donner la hardiesse de troubler le repos public, ceux dis je qui parlét des desseins du Roy non comme subiets obeissants mais comme ennemis declarez ? Car tout ainsy que ceux de Lacedemone eurent raison d'entrer en deffiance des fortifications extraordinaires d'Athenes, se representants ce que pourroit faire c'este Ville quand elle seroit rebastie, puis qu'elle entreprenoit de s'agrandir de la sorte estant ruinee; de mesme nous auons subiet de nous imaginer qu'elle seroit la hardiesse de ceux de la Religion pretendue, s'ils auoient vne grande authorité, puisque nous les voions si fiers & si temeraires en vne si grande foiblesse. Il n'y à rien qu'ils ne demandent si on leur accorde vne fois, ie ne d'y pas la rupture, mais la seule surseance de ces Mariages si necessaires a la paix de toute l'Europe. Il y à du peril & du deshonneur à leur octroyer ce qu'ils desirerent : leur ambition n'a bornes quelconques; leurs passions n'ont iamais de mediocrité: leur humeur est telle, que s'ils ne craignent eux mesmes ils se font craindre. Or si la principale fin des Mariages des Princes est l'utilité de leurs peuples, nous ne pouuons pas tirer de ces Aliances vn plus grand bien que la paix, qui est la mere de toute felicité. Aussi en receuons nous double fruit, en ce qu'elles nous guarâtissent des guerres estrangeres & ciuilles, par ce qu'elles retiennent nos voisins dans le deuoir des confederations qu'ils ont avec la Couronne & font demeurer les mauuais François dans les bornes de l'obeissance. Les factiôs du Royaume nous ont reduits à tel point, que le bon heur de cet l'Estat, despend du tout de perfection de ces Mariages. Ceux que l'hon-

neur ny la consciēce ne peuent retenir dans leur deuoir, la crainte qu'ils ont de l'vniō de ces deux Couronnes les y retient. C'est le subiect pour quoy quand ie considere qu'il en procède tant de fruiets si salutaires à la France & à la Religio, si euidents à nos yeux, & si desirables à tous les gens de bien, ie m'estonne grandement de ce que l'on voit des hommes qui font profession d'estre Catholiques, & qui se disent amateurs de leur patrie, & font neantmoins les mesmes vœux, ont les mesmes desirs, & tiennent les mesmes discours que les aduersaires de la foy, & que les ennemis de la Monarchie & du repos de la France. Mauuais François que nous sommes, imprudens & dénaturez, plus barbares que ne sont les barbares mesmes, engeance sans pieté, sans amour, sans foy, sans conscience, sommes nous pas indignes d'auoir vn bon Roy, nous qui le voulons marier à nostre fantaisie, & le forcer en vne chose en laquelle seulle on ne peut contraindre personne? ô malheureuse condition des Princes si cela ne leur est pas permis qui est licite au moindre de leurs subiects! sommes nous pas bien ennemis de nostre salut, de rechercher nostre ruine? sommes nous pas bien rebelles de nous opposer à la volonté de nostre Roy? sommes nous pas bien iniustes de ressentir presentement par le repos ou nous viuons les effects merueilleux de ces Aliances & d'en nier l'vtilité? Quest-ce que nous autres qui sommes eclairez de la cognoissāce du vray Dieu, & qui nous vantons d'estre polis par les arts & par les disciplines pouuons plus reprocher à ces peuples qui habitent aux derniers bouts de la terre, & qui n'ont entre eux n'y police, n'y religion? peut on pas di-

re iustement de nous ce qu'on à dict autresfois de l'impieté des mœurs de la Grece, que l'ignorance des vices est plus vtile aux barbares que n'est à nous autres la cognoissance des vertus.

Tout ainsi donc que l'on attache avec des chenes plus fortes les animaux les plus fiers, & les plus puissants, comme les lions, que ceux qui sont d'une nature plus douce & plus sociable; de même la raison veut que nous tenions le Roy d'Espagne attaché à l'aliance de ceste Monarchie, avec des liens plus forts & plus estroicts, que ceux dont nous sommes vnis avecques les autres Roys, attendu qu'il est tousiours vtile de s'allier avec vn Prince, quand il est dangereux de n'en estre pas allié. Qui se peut donc offenser qu'iniustement, que le Roy comme pere de son peuple recherche le bien de son peuple, & procure la conseruation de l'Eglise, comme ayant l'honneur d'estre fils aîné de l'Eglise, comme ayant esté instruiet en l'Eglise, & comme ayant receu le Sceptre & la Couronne dans l'Eglise?

FRANCE, ma chere Patrie, que depuis vne si longue suite de siecles & de Rois Dieu a perpetuellement conseruée contre tant d'ennemis qui t'ont assaillie, & qui maintenant reposes si doucement sous le regne d'un ieune Roy conseillé par vne grande Reyne qui ne respire que l'honneur de Dieu & que ta fœlicité, sois sage par tes dômages passez, & ferme l'oreille à tous ces faux bruits que les ennemis de ton repos sement dans tes villes & dans tes Prouinces, afin que tu tournes encore tes armes contre tes propres entrailles, que les peres trempent leurs mains de rechef dans le sang de leurs enfans, que les freres s'ar-

ment contre les freres, les beaux-peres contre les gendres, les parents contre les parents, & que le iuste courroux de Dieu te face seruir d'un particulier exemple de calamité pour estonner tout le genre humain. Et toy Paris, ville capitale de la France, le sejour ordinaire de nos Rois, l'abord de toutes les nations, la retraicte des grands esprits, l'ornement de l'Estat, & le centre de toutes les richesses de l'vniuers; Paris que le feu Roy Henry le Grand a honorée de tant de belles immunitez, enrichie de tant de biens, illustrée de tant de marques de pieté, & ornée de tant de grands & magnifiques bastiments, que d'un desert que tu estois durant la guerre ciuille, il en a faict la plus grande, la plus riche, la plus peuleuse, la plus auguste, & la plus celebre ville de toute la terre, resouuiens-toy incessamment des biens-faicts de ce grand Monarque; recognoy son image & ses vertus en la personne de ton Roy son successeur; tourne les yeux sur luy comme sur l'Astre de l'influence duquel tu dois attendre tout ton bon-heur; represente toy qv'vne grande ville n'est iamais en plus grand danger que quand elle est en vne si eminente grandeur, qu'est celle ou la paix r'a faict paruenir; C'est lors que la prosperité l'aveugle ordinairement, que la fortune la trompe, que la presomptiō l'emporte, & luy donne l'audace d'entreprendre des desseins qui la ruinēt en fin; Imagine toy tousiours que tant plus vne ville est opulente, & plus elle a besoin de protection; que plus sa fortune est grande, & plus elle est enuieée, & que c'est lors que les autres villes ialouses de sa grandeur ne font qu'attendre qu'elle manque à son deuoir,

pour la destruire , & pour triumpber de ses despouilles : Resouuiens-toy du temps que ta rebellion prouocqua l'ire de Dieu , & que la fureur de la guerre qui abbatoit tes habitants comme la moisson d'une campagne , ne te faisoit pas tant de mal par dehors que t'en faisoit par dedans , la peste, la famine, & les tyrans domestiques dõt la rage ne pardonnoit pas mesmes au pourpre des Magistrats : N'oublie iamais que c'est la benediction de ton Roy, & le merite de ton obeïssance qui te comblent d'honneurs & de biens, & qui font qu'au lieu de chastiments tu reçois des recompêses, qu'au lieu de la foudre du Ciel la manne tombe dessus toy , que tu vois l'abondance au lieu de la famine, la paix au lieu de la guerre; bref, pense tousiours qu'il n'y a sorte de felicité que tu ne doiues esperer en demeurant constamment en ton deuoir, ny malheur que tu ne doiues craindre lors que tu t'en esloigneras.

F I N.

